

qua comite. Illud in Hispanicis foeminae laudandum, quod priscarum Romanorum instar uino plurimum abstinet, illud uituperandum, quod collyrio, minio & cerusa facie deformant, quia nativo colore sunt minore quam Gallicæ. Habetur etiâ Hispani in religionis ritibus supra mortales omnes superstitionis: per regis solium & eius uitam gentilitio more iurat, & oscula manuum in salutationibus supplicant. Nomen aliquod à paucis annis bellica fortitudine Hispani sunt adepti plurimis ab hoste partis uictorijs, ut qui laborum, sitis, & famis in acie sint tolerantissimi, & in stratagematibus cautissimi, leui corpore, ut facile hostem fugiant & sequantur. Frugalis uitæ sicut & Itali, nec tantum cibi & potus ut Galli & Germani absumentes: nisi sint inuitati, nam tunc se ad saturitatem explet edulis, quia rara eis & maiori auiditate accidunt conuicia. Oceanii nauigationibus ad incôpertas regiones toto orbe sunt clarissimi. Versus meridië Africæ fines primi circumnauigauerent, adusq; Calecut & alias orientis insulas: quod iter Lusitanorum siue Portugalensium est peculiare. Ad occidentem Castellani progressi, post insularum auro diuinitum multitudinem, quam inuenere & imperio suo subiecere, ad ipsum etiam Orientalis Indiæ continentem sunt perducti: in quo indies magis & magis lustrando persistunt. Regionum quoq; que sub Australi polo sunt, notitiam nuper adepti. De Hispania Iosephus & antiquus Berossus sic scribunt. Tubal nepos Nohæ primus in Bætica fuit rex, condiditq; urbem & à se Tubal denominauit. Is cum rem pecuriam cum subditis exerceret, uicinâ prouincia Tarraconensem appellauit, quasi Αἴγαντα Αργείων quod sonat boum possessionem. Post eum regnauit Iberus, à quo fluvius Iber & regio Iberia denominationem accepunt. Sextus rex uocatus fuit Bætus, a quo & regio illa Beticæ nomen sortita est. Decimus rex, Hispanus, uel ut alii asserunt, Hispalus appellatus fuit,

à quo & tota regio, Hispaniæ nomen adepta est. Duodecimum regem aiunt suisse Hesperū, à quo Hispania quoq; Hesperia appellata est. Decimus septimus fuit Lusus, unde Lusitania nomen accepit. Et cum Romani rebus in Hispania potirentur, diuisa est regio in Baeticam & Tarraconensem, duravitq; hec partitio usque ad tempora Attilæ, qui aliam in regione illa fecit prouinciarum diuisionem. Nouissime in quinque discriminata est Hispania regna, nempe Galiciæ, Nauarræ, Castellæ seu Castiliæ, qua & Legionis regnum uocata est, Catalonia, cui & Arragonia annexa est, Portugaliæ & Granate. Galicie regnum amissio legitimo hærede Tarraconensi incorporatum est.

Inter duas Baleares insulas, maior abest ab Hispania diei unius nauigatio ne. Minor ad orientem spectat nutriendens plurima utriusque generis armamenta, præcipue mulos, qui & sunt magni & sonora uoce. Vtraque insula fertilis est, referta habitatoribus qui scilicet 30. hominum millia excedunt. Oleo carrent. Habitant in faxis concavis, iuxtaq; præcipites petras. Aureo nummo aut argenteo non utuntur. Mulieres supra modum diligunt, ut mulierem à prædoniis captam, tribus aut quatuor redimant uiris. Cum olim cum Carthaginensis militassent ex stipendio impenso, mulieres ac uinum emptum secum tulere. Funda utuntur in prelio, et iactū lapides ita robuste, ut ab aliquo tormento lapis missus uideatur. In urbium expugnatione lapidū iactu eos qui supra ex propugnaculis mœnia tuerantur, uulnerant. Ita recte propellunt lapides, ut raro effugiat iactū appetitus locus, quod ei continuus à pueritia usus præbet, à matribus ad id certamen coactis. Imponunt enim supra erectum lignum panem pro signo quod iactu pestant, nec ante cibum capiunt, quam panem lapide effectum pro cibo sumunt permisso matris.

Quorundam